



**MINIT MESYUARAT BIL. 8**  
**CITP IWG on Contractor Development**  
**CITP - IWG20/I4 - Contractor Development**

---

Tarikh : 24hb April 2018 (Selasa)  
Masa : 9.30 pagi – 11.30 pagi  
Tempat : Bilik Mesyuarat Lembaga CIDB,  
Tingkat 25, Menara Dato' Onn,  
Jalan Tun Ismail  
50480 Kuala Lumpur  
Pengerusi : Datuk Kwan Foh Kwai  
Non-Executive / Non-Independent Director  
Sunway Construction Group Berhad

**SENARAI KEHADIRAN**  
**HADIR**

- |                                      |  |
|--------------------------------------|--|
| 1. Datuk Kwan Foh Kwai               | Sunway Construction Group Berhad - Pengerusi |
| 2. Dato' Ir. Jamaludin Non           | Persatuan Kontraktor Melayu Malaysia         |
| 3. En. Mohd Rahim Hj. Kawangit       | Jabatan Kerja Raya                           |
| 4. En. Asnan Ayob                    | Mass Rapid Transit Corporation Sdn Bhd       |
| 5. En. Mohd Ismail Abdul Jalil       | Institut Integriti Malaysia                  |
| 6. En. Mohamad Tarmize Abdul Manaf   | Suruhanjaya Pencegahan Rasuah Malaysia       |
| 7. Sr. Ida Zuraida Mohd Yusoff       | CIDB - Penaja                                |
| 8. Sr. Azizah Mohd Yusoff            | CIDB - Pemilik                               |
| 9. Sr. Noridah Shaffii               | CIDB   |
| 10. Cik Noorul Faizura Mohd Shah     | CIDB   |
| 11. En. Fatin Amirah Mohd Anor       | CIDB – Pegawai Bertindak                     |
| 12. En. Nazirul Mubin Abdullah Hanif | CIDB – Sekretariat                           |

**TIDAK HADIR**

- |                                     |   |
|-------------------------------------|---|
| 1. Dato' Wan Zakariah Haji Wan Muda | Ahmad Zaki Resources Berhad               |
| 2. Dato' Abdul Razak Jaafar         | Kementerian Kerja Raya                    |
| 3. Ir. Chuan Yeong Ming             | Master Builders Association Malaysia      |
| 4. En. Adil Putra Ahmad             | Gamuda Engineering Sdn Bhd                |
| 5. Pn. Recca Thamarajah             | Suruhanjaya Perkhidmatan Air Negara       |
| 6. En. Nazruddin Mat Ali            | Jabatan Keselamatan & Kesihatan Pekerjaan |
| 7. Ir. Abdul Rahim Ibrahim          | Suruhanjaya Tenaga                        |
| 8. En. Zainuddin Kamarudin          | Petroleum Nasional Berhad                 |
| 9. Ir. Ramuseren A/L Muthu          | CIDB                                      |

## **1.0 KATA ALUAN Pengerusi**

Pengerusi mengucapkan selamat datang dan terima kasih kepada semua ahli jawatankuasa, penaja inisiatif, pemilik inisiatif dan sekretariat yang hadir.

## **2.0 PENGESAHAN MINIT MESYUARAT BIL. 7**

**2.1** Pengerusi menyarankan Negara Korea dijadikan sebagai penanda aras (*benchmark*) dan mengenalpasti bagaimana Korea mengembangkan kapasiti dan keupayaan kontraktor mereka untuk menembusi pasaran antarabangsa serta mengenalpasti pendekatan produktiviti industri pembinaan di Korea.

**Tindakan: Makluman**

**2.2** Selaras dengan teras produktiviti CITP iaitu meningkatkan produktiviti sebanyak 2.5 kali yang berjumlah sasaran nilai tambahan sebanyak USD 16,500, Pengerusi mencadangkan agar Sr. Noridah berurusan dengan pegawai bertindak bagi teras produktiviti untuk berbincang tentang lawatan sambil belajar ke Korea. Cadangan lawatan ini diadakan pada Q3/2018.

**Tindakan: Sekretariat/Bahagian Dasar & Strategi**

**2.3** Minit mesyuarat bil. 7 juga telah disahkan oleh Pengerusi dan ahli mesyuarat tanpa sebarang pindaan.

**Tindakan: Makluman**

## **3.0 MAKLUMBALAS MINIT MESYUARAT BIL. 7**

**3.1** Sr. Noridah memaklumkan bahawa En. Zainuddin daripada PETRONAS telah berhubung dengan Bahagian Dasar dan Strategi CIDB untuk menjalinkan kerjasama bagi inisiatif CITP yang berkaitan khususnya IWG20. Satu perjumpaan akan diadakan bersama PETRONAS untuk membincangkan perkara ini dengan lebih lanjut.

**Tindakan: Bahagian Dasar & Strategi**

**3.2** Pengerusi mencadangkan agar usahasama antara CIDB dan agensi lain seperti PETRONAS, JKR dan sebagainya dilakukan secara formal samada melalui *memorandum of understanding* (MoU) atau *mutual recognition agreement* (MRA) agar KPI yang diambil kira mendapat persetujuan kedua-dua pihak.

**Tindakan: Sekretariat**

**3.3** Berikutan makluman daripada wakil Suruhanjaya Pencegahan Rasuah Malaysia (SPRM) bahawa *Corporate Integrity Pledge* (CIP) tidak lagi diteruskan. Sr. Ida Zuraida menyatakan bahawa CIP akan dikeluarkan daripada SCORE bagi permohonan SCORE baharu.

**Tindakan: Makluman**

**3.4** En. Tarmize menerangkan tentang kursus pensijilan baru oleh SPRM iaitu *Anti-Corruption Certification Programme* (ACCP) untuk syarikat tempatan yang boleh dimasukkan dalam SCORE. Namun SPRM masih menjalankan *pilot project* bagi program ini yang akan dilancarkan pada Julai 2018. Walaubagaimanapun, ahli mesyuarat tidak bersetuju untuk menjadikan ACCP sebahagian daripada SCORE memandangkan masih di peringkat '*pilot*'.

**Tindakan: Makluman**

#### **4.0 SASARAN TAHUNAN DAN PENCAPAIAN KPI Q1/2018**

**a) KPI 126 – SCORE Version 2.0 rolled out by Q4 2018**

Sr. Ida Zuraida menerangkan sebanyak lebih kurang 20 syarikat kontraktor akan menjalani SCORE Versi 2.0 sebagai *pilot project* dan ianya dijangka siap pada hujung bulan Mei 2018. Sehingga April 2018, sebanyak empat (4) syarikat kontraktor G7 telah menjalani *pilot project* ini. Hasil *pilot project* ini iaitu perbandingan keputusan SCORE syarikat menggunakan Versi 1.0 dan Versi 2.0 akan dibentangkan kepada ahli jawatankuasa IWG20 dalam mesyuarat akan datang.

**Tindakan: Unit SCORE CIDB**



**b) KPI 127 – Minimum 100 G7 contractors achieved 4 Star and above SCORE rating by 2020**

Sehingga Mac 2018, terdapat 46 kontraktor G7 yang mendapat taraf 4 Bintang dan ke atas. Ahli jawatankuasa juga dimaklumkan bahawa *Contractor Report Card* (CRC) masih lagi dalam pembangunan oleh pihak vendor.

**Tindakan: Makluman**

**c) KPI 128 – Minimum 300 Construction Project Managers certified by CIDB by 2020 (2016 baseline = 110)**

Sehingga Mac 2018, seramai 183 pengurus projek pembinaan telah ditauliahkan. Walaubagaimanapun, senarai pegawai JKR yang ditauliahkan melalui *mutual recognition agreement* (MRA) masih belum diambil kira.

Sr. Noridah mencadangkan agar KPI ini ditingkatkan sekiranya sasaran telah dicapai sebelum tahun 2020 sepertimana yang dilakukan oleh inisiatif-inisiatif lain.

**Tindakan: Sekretariat**

**d) KPI 129 – 4,000 G7 contractors' personnel trained in construction technical and management courses by 2020**

Sehingga Mac 2018, sebanyak 951 personel kontraktor G7 dilatih di dalam kursus teknikal dan pengurusan kontraktor.

**Tindakan: Makluman**

## **5.0 PEMBENTANGAN OLEH UNIVERSITI UTARA MALAYSIA (UUM)**

**5.1** Dr. Shahmir daripada Universiti Utara Malaysia (UUM) membentangkan kajian penilaian keupayaan dan kapasiti kontraktor (SCORE). UUM telah menjalankan 2 jenis kajian iaitu mengenalpasti kelemahan kontraktor G7 dalam SCORE dan cadangan perkhidmatan penambahbaikan penarafan SCORE kontraktor G7. Cadangan perkhidmatan penambahbaikan ini adalah dalam bentuk *search engine* bagi membantu kontraktor memilih kursus bersama penyedia latihan yang berdaftar.

**5.2** Berdasarkan kajian pertama, UUM telah mengenalpasti secara purata kontraktor G7 lemah dalam parameter *financial capability* dan *best practices*. Bagi mengatasi kelemahan ini, UUM telah menjalankan kajian kedua untuk mengenalpasti kursus sedia ada dan kursus baru yang dapat membantu meningkatkan taraf SCORE.

**5.3** UUM telah mengenalpasti sebanyak 1,477 penyedia latihan berkaitan industri pembinaan yang meliputi parameter SCORE. UUM telah mewujudkan satu pangkalan data penyedia latihan untuk kegunaan CIDB. Selain itu, UUM menyarankan CIDB mewujudkan satu aplikasi bagi menyediakan kontraktor peluang untuk memberi penarafan kepada penyedia latihan tersebut.

**5.4** Pengerusi berpendapat latihan hanyalah salah satu daripada pendekatan untuk tingkatkan taraf SCORE kontraktor. CIDB perlu lihat dengan lebih mendalam tentang kelemahan yang dihadapi kontraktor iaitu *financial capability* dan *best practices* seperti bagaimana CIDB dapat membantu kontraktor untuk mendapat pensijilan ISO. Selain itu, pengerusi menyarankan CIDB untuk mentauliahkan penyedia latihan yang telah dikenalpasti oleh UUM sebelum diterbitkan dalam laman sesawang CIDB untuk rujukan kontraktor. Justeru itu, pengerusi meminta CIDB mengeluarkan surat kepada penyedia latihan untuk mengemukakan profil syarikat dan kandungan modul.

**Tindakan: Sekretariat**

**5.5** Pengerusi mencadangkan CIDB memberi insentif untuk pembayaran balik mengikut jumlah yang ditetapkan kepada kontraktor bagi yang berjaya mendapatkan pensijilan ISO. Hal ini adalah kerana kebanyakan kontraktor tidak mempunyai pensijilan ISO kerana melibatkan kos yang tinggi.

**Tindakan: Sekretariat**

## 6.0 HAL-HAL LAIN

6.1 Sr. Noridah mengatakan melalui CITP Ministerial Committee Meeting, satu *mid-term review* akan diadakan untuk semua inisiatif memandangkan ada antara KPI yang tidak mencapai sasaran tahunan serta tidak menepati objektif CITP. Inisiatif ini mungkin akan terlibat kerana inisiatif ini antara inisiatif yang penting dalam CITP.

**Tindakan: Makluman**

6.2 Pengerusi mencadangkan Dato'Jamal daripada Persatuan Kontraktor Melayu Malaysia (PKMM) untuk membentangkan isu-isu yang dihadapi oleh kontraktor dalam persatuan khususnya bagi parameter *financial capability* dan *best practices* supaya ahli jawatankuasa dapat membincangkan cara untuk membantu mereka.

**Tindakan: Persatuan Kontraktor Melayu Malaysia (PKMM)**

## 7.0 TAKWIM MESYUARAT

Tarikh mesyuarat bil. 9 akan diadakan pada 17hb Julai 2018 pada 9.30 pagi bagi pembentangan pencapaian Q2/2018 dan keputusan pilot *project SCORE* Version 2.0.

**Tindakan: Makluman**

## 8.0 PENUTUP

Pengerusi mengucapkan terima kasih di atas kehadiran dan komitmen ahli mesyuarat. Mesyuarat bersurai pada jam 11.30 pagi.

Disediakan Oleh;

Disemak Oleh;

Disahkan Oleh;




.....  
Nama: Fatin Amirah  
Mohd Anor

Tarikh: 16 hb Mei 2018



.....  
Nama: Sr. Azizah  
Mohd Yusoff

Tarikh: 16 hb Mei 2018



.....  
Nama: Sr. Ida Zuraida  
Mohd Yusoff

Tarikh: 24 hb Mei 2018